

聖王濟總錄

百卷

庫文閣内

三三漢

内閣文庫	
番號	漢 12609
冊數	200 (166)
函號	300 212

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



本草綱目卷第一百六十八

小兒

小兒

小兒

小兒

小兒

小兒

大學東  
校典藉  
局之印

大德重校聖濟總錄卷第一百六十八  
小兒門

小兒溫壯

小兒壯熱

小兒潮熱

小兒風熱

小兒熱渴

日本  
醫學  
圖書

小兒驚風

小兒驚風

小兒驚風

小兒驚風

小兒風絲

小兒風絲

小兒驚風

### 小兒溫壯

論曰足陽明胃之經主於肌肉若小兒胃有伏熱或挾宿寒皆令胃中不和其氣蒸鬱發于肌肉故令兒體熱多睡名曰溫壯其證大便黃而惡穢者有伏熱也利下乃愈若便白而醋臭者有宿滯也當微利損穀乃愈古法去伏熱則用龍膽湯去宿滯則用紫雙丸當倣其法而治之

治嬰兒出腹血脉盛實寒熱溫壯四肢驚掣發熱大吐哕者若已能進哺食實不消壯熱及變蒸不解客忤慙氣并諸驚癇悉治十歲已下小兒皆服龍膽湯方第一



此是新出腹嬰兒方若日月長大者以次依此為例若知是客忤及有魘氣者可加人參當歸各如龍膽多少一百日兒加三銖二百日兒加六銖一歲兒加半兩餘藥准此

龍膽 去蘆 鈞藤皮 芫藥

黃芩 去黑心 桔梗 炒 蜣螂 炒貳枚

赤茯苓 去黑皮 甘草 炙各壹兩

大黃 剉炒壹兩

右一十味咬咀如麻豆大以水一升煮取五合為劑兒生一日至七日分一合為三服兒生八日至十五

兼日分一合半為三服兒生十六日至二十日分二合為三服兒生二十日至三十日分三合為三服兒生三十日至四十日盡以五合為三服皆得下即止

治小兒變蒸發熱不解并挾傷寒溫壯汗後熱不歇及腹中有痰癖哺乳不進乳則吐哕食癩先寒後熱者紫

雙丸方 人參

代赭 持研如粉 赤石脂 持研如粉各壹兩

巴豆 參拾枚去心皮出油盡 杏仁 伍拾枚去皮尖雙入炒

右四味將巴豆杏仁別研為膏入三味末相和更搗令相得若鞭入少蜜同搗之密器中收三十日兒服

一丸如麻子大與少乳汁令下食頃後再與少乳當  
小下熱氣若餘勢未消明旦更與一丸百日兒服如  
小豆一丸以此準量增減丸數大小

治小兒溫壯往來腹內有熱此胡湯方

雙山 此胡去蘆頭

黃芩去黑

人參

甘草炙

赤茯苓去黑

麥門冬去心焙

右六味麤擣篩每用一錢匕以水一盞入竹葉數片

煎取五分去滓放溫量兒大小分減服之

治小兒溫壯熱不差若舌寬不含乳胸中有疾口中瘡

兼驚黃芩湯方

黃芩

去黑心壹兩

釣藤

細切壹分

蛇蛻

炙壹寸

甘草

炙到半兩

芒消

壹分

大黃

蒸參徧焙乾用壹兩

牛黃

如大豆許參粒別研

右七味麤擣篩三四歲兒每服半錢匕以水半盞煎  
至三分去滓食後溫服日三量兒大小以意增減

治小兒壯熱實百病芍藥湯方

芍藥

甘草

炙到各半兩

大黃

蒸焙乾到壹兩

右三味麤擣篩五六歲兒每服一錢匕以水半盞煎  
至三分去滓溫服食後日三服隨兒大小以意加減

治小兒溫壯不解升麻湯方

小升麻去黑 芫胡去頭 麥門冬去心

黃芩去黑 甘草炙到各 黃耆到

人參各壹分

右七味麤搗篩每用一錢匕以水八分煎取五分去滓量兒大小分減服

治小兒挾實溫壯惕惕微驚當歸湯方

當歸切焙 芫胡去頭 黃芩去黑

細辛去苗葉 大黃剉炒 升麻半

五味子半 紫苑去苗土 牛黃研壹分

杏人貳拾枚湯浸退去皮尖雙人炒別研

右一十味麤搗篩二三歲兒每一錢匕以水七分煎至五分去滓分溫日三服隨兒大小以意加減

治小兒有熱服藥大下後溫壯不解胸中結熱五味子湯方

湯方

五味子 黃芩去黑 芫胡去頭

芒消 麥門冬去心 黃連去須

甘草炙到 當歸切焙 大黃飯上蒸過

石膏參分搗碎再細研入

右一十味麤搗篩五六歲兒每服一錢匕以水七分煎至四分去滓食後溫服無痰三服若有痰即吐之

量兒大小以意加減

治小兒腹中伏熱溫壯往來此胡湯方

此胡去蘆頭 黃芩去黑心 人參半

甘草炙半 赤茯苓去黑皮 麥門冬去心焙

右六味麤擣篩每服一錢匕水七分入小麥五七十粒竹葉十片煎至四分去滓溫服量兒大小加減服之

治小兒挾熱痰盛溫壯夜臥不穩天南星丸方

天南星炮為末 半夏湯洗去滑膩粉

滑石研各壹錢 巴豆貳拾肆枚去心膜以水浸壹宿研細不出油

右五味先研巴豆令熟次下衆藥末以糯米粥和丸如菘豆大每服三丸更量兒大小加減瀉痢米飲下取食葱湯下驚悸薄荷荊芥湯下

治小兒熱疾後腹中不調飲食不節腹滿溫壯及中客忤兼乳冷消滯丸方

雀屎白 牛黃研各壹分 芎藭

芍藥 乾薑炮 甘草炙各半兩

麝香研 小麥麵 大黃剉炒

當歸切焙 人參各參分

右十一味搗羅為末鍊蜜丸如麻子大溫熟水下



三九欲令下者服五九

治小兒風邪溫壯發熱壓驚止頭痛化涎生犀牛黃丸

方

犀角屑壹分

牛黃壹錢

龍腦

麝香各半錢研

天南星

牛膽內櫃者末

藿香葉

為末各貳兩

甘草末

雄黃末

各半兩

右八味合研如粉鍊蜜和丸如雞頭大每服一丸不

計時候煎薄荷湯化下

小兒壯熱

論曰小兒壯熱者由陰陽不和氣盛血實邪熱之氣客

於腸胃蘊蓄日久熏發肌肉故令身體壯熱其脉三部俱實者是也亦有乳食不化及食物不消蒸鬱於外合兒壯熱口乾煩渴其脉見寸口浮而大按之反澁者是也

治小兒百日已來結實壯熱兼驚祛熱湯方

大黃剉炒

朴消

甘草炙

龍齒各壹分

枳殼

去瓢麩炒壹兩

右五味麤搗篩每服半錢匕以水半盞煎至三分去

滓放溫時與一分服日可三服乳母服之亦妙

治小兒壯熱脹滿不飲乳龍膽飲方

龍膽去根

犀角鎊屑各半兩

升麻

天麻炒

甘草炙

龍甲去裙襴醋浸炙黃色各參分

檳榔煨剉壹枚

右七味麤搗篩每服一錢匕以水半盞煎至三分去

滓分溫三服

治小兒生四五十日服藥下後身體壯熱如火傷寒兼腹滿頭面丹腫此皆有伏熱龍膽湯方

龍膽去根

冬葵子

萎蕤

大青

芫胡去苗各壹分

赤茯苓去皮

甘草炙各半兩

右七味麤搗篩每一錢匕以水半盞煎至三分去滓

分為三服如人行十里已來一服隨兒大小加減

治小兒期歲至三歲時時壯熱升麻湯方

升麻

芫胡去苗

枳殼去瓢炒

黃芩去心

芍藥

梔子人

知母焙

杏仁去皮尖雙人炒別研各參分

大黃剉炒壹兩壹分

石膏別搗研壹兩半

右一十味以八味麤搗篩入杏仁石膏拌勻每服一

錢匕以水一中盞入青竹葉同煎至三分去滓食後

相繼三服量兒大小加減

治小兒壯熱不除犀角湯方

犀角兩 鎊半

升麻壹分

大黃壹分

石膏參分

右四味以三味麤擣篩入石膏拌勻每服半錢匕以

水半盞煎至三分去滓放溫相繼三服隨兒大小以

意加減

治小兒服藥吐利後身壯熱精神昏慢或微利而內有

結熱大青湯方

大青兩半

大黃壹分

甘草兩半

麻黃半兩

右四味麤搗篩二三歲兒每服半錢匕以水半盞煎至三分去滓食後相繼三服仍隨兒大小以意增減治小兒壯熱實滯不去及寒熱往來微驚大黃飲方

大黃壹兩

黃芩壹兩

栝樓根

甘草參分

牡蠣熬

龍骨

凝水石研

白石脂各半兩

滑石研

消石研

人參

桂去麤皮 各貳兩

右一十二味以九味麤擣篩入研藥和勻五六歲兒每服一錢匕以水一中盞煎至五分去滓溫服食後相繼三服隨兒大小加減

治小兒壯熱不安釣藤飲方

釣藤

升麻

甘草

人參

右四味麤搗篩每一錢匕以水一盞煎至五分去滓

分溫二服空心午後各一服隨兒大小以意加減

治小兒八九歲痰實壯熱山梔子湯方

山梔子人

黃芩

前胡

甘草

右四味等分麤搗篩每服一錢匕水一中盞煎至五

分去滓溫服日三量兒大小加減不計時候

治小兒羸內及百日以來壯熱虎睛牛黃丸方

虎睛

牛黃

麝香

丹砂

雄黃

右五味再同研為末鍊蜜和丸如小豆大以乳汁研

一丸與服

治小兒百日已來結實壯熱兼驚龍齒湯方

龍齒

大黃

山梔子人

枳殼

朴消

甘草

右六味麤搗篩每服一錢匕水七分煎至五分去滓

溫服量兒大小加減

治小兒壯熱面赤脣口焦乾大小便不通四肢掣動驚  
啼或時發渴人參湯方

人參

芫胡去苗

大黃剉炒

升麻兩半

芍藥壹分

山梔子兩半

甘草兩半

鈞藤兩半

右八味麤搗篩每服一錢七水七分煎取四分去滓

溫服

治小兒壯熱不解及驚熱風熱龍腦散方

龍腦研半錢

馬牙消壹分入合子內固濟火煨

水波冷濕紙襯藥入坑子內陰壹宿取研

丹砂研壹錢

乾蠍微炒研

右四味合研勻細每服半錢匕或一字煎人參茯苓

湯調下驚熱冷水下熱甚者冷水研生地龍汁調下

治小兒肌體壯熱夜多驚啼及發吐逆日久不解或瀉

或秘變成慢驚或作疳疾定搐搦除疳氣墜痰涎鎮心

神如聖青金丸方

龍腦研壹錢

麝香研

膩粉各壹分

香墨研

盧會研各壹錢半

白麩參

青黛貳錢

金薄

銀薄各拾片

使君子

肆枚以麩裏煨令麩香熟去麩杵取末

右一十味再同研令勻滴井華水為丸如雞頭實大  
患慢驚用冷薄荷水化下三歲已上服一丸已下則  
半丸服訖便睡覺逐利動立愈後隔三五日更與一  
服如些小驚著或急驚及覺身體熱但服之取下青  
涎為效量兒大小加減服

治小兒風熱壅滯壯熱煩渴時嘔麥門冬湯方

麥門冬去心焙 栝樓根入心焙 知母焙

人參去蘆頭 龍膽半兩

粟米壹兩

右七味麤搗篩每用三錢匕水一盞半煎至八分去

滓分溫三服

小兒潮熱

論曰小兒潮熱者身體發熱作止有時故謂之潮熱由  
保養失宜風冷邪氣客於分肉之間每遇衛氣至則真  
邪相搏故令發熱欲知在何經絡當觀間甚之時屬何  
府藏各循其經以調之

治小兒潮熱盜汗心忪及骨蒸勞熱地骨皮飲方

地骨皮 白茯苓去黑皮 瞿麥穗

赤芍藥 生乾地黄焙 山梔子人

甘草炙各壹兩 大黃炒 茈胡去苗

木通剉各壹兩半

人參

木香各半兩

青橘皮湯浸去白焙壹分

右一十三味麤搗篩每服一錢匕水七分入竹筴少許同煎至四分去滓溫服不拘時候量大小加減

治小兒潮熱青蒿湯方

青蒿焙

知母焙

甘草炙各兩

半夏湯洗柒遍薑汁製壹分

常山剉焙兩

鼈甲醋炙黃去裙襖

枳殼去瓢麩炒

秦艽去苗土各肆兩

右九味麤搗篩每服半錢匕水半盞入生薑一片烏

梅肉少許同煎三五沸去滓溫服

治小兒潮熱飲食不為肌肉黃瘁夜臥不安時有虛汗

此胡地骨皮湯方

此胡去苗

地骨皮

桔梗炒各兩

甘草炙半兩

右四味麤搗篩每服一錢匕水一小盞煎至五分去

滓食後臨臥溫服量大小加減

治小兒風虛潮熱斷齒譫言酸棗人飲方

酸棗人壹兩

蛇蛻皮炙條

人參

羌活去蘆頭各半兩

甘草炙壹分

右五味麤搗篩每二錢匕水一盞入薄荷三葉同煎七分去滓分溫三服量大小加減

治小兒潮熱白鮮皮湯方

白鮮皮 人參 白芷

防風去 黃芩去黑心 知母焙

沙參 犀角鑿各半兩 甘草炙壹分

右九味麤搗篩每一錢匕水八分入薄荷三片煎取五分去滓分溫二服

治小兒潮熱百一羌活餅方

羌活去蘆頭 芎藭 白殭蠶炒

雞蘇各壹兩 乾蠍全者拾肆枚炒

右五味搗羅為末鍊蜜和丸如雞頭大捏作餅子每服一餅荆芥湯化下

治小兒潮熱此胡飲方

此胡去苗 人參 知母焙

羚羊角鑿 甘草炙 陳橘皮湯浸去白焙

赤茯苓去黑皮 半夏湯洗柒遍去滑焙 木通剉

芍藥等分

右一十味麤搗篩每服一錢匕水一盞入生薑一片同煎至五分去滓溫服日二



治小兒潮熱連翹湯方

連翹 山梔子人 甘草

防風 蟬殼

右五味等分麤搗篩每服一錢匕水半盞煎三五沸去滓量大小加減溫服

治小兒潮熱不解長肌進飲食人參芫胡湯方

人參 芫胡 白茯苓

芎藭 知母 升麻

藁本 甘草 天門冬

獨活 柏子人

右一十一味麤搗篩每服一錢匕水半盞入生薑二片青蒿一穗同煎至三分去滓食後溫服五歲以上十五以下入醋炙龍甲半兩每服二錢水一盞煎六分服

治小兒潮熱肌瘦盜汗黃雞煎丸方

黃連 鶴蝨 蕪荑人

秦艽 芫胡 知母

使君子

右七味搗羅為末以黃雌雞一隻重一斤許者籠之食以大麻子候五日去毛令淨於尾下開竅去腸肚

洗淨乾入前藥末於腹內以線縫之取小甌先以黑  
豆鋪甌底厚三寸安雞在甌內四旁以黑豆圍裹上  
以黑豆半寸蓋之自巳時炊至申時住火俟溫取雞  
去腹中藥及筋骨頭翅以淨肉研和得所更少入酒  
麩糊丸如小棗豆大每服十九量兒大小加減空心  
臨臥麥門冬熟水下疴瘦骨熱十五歲以上溫酒下  
治小兒潮熱煩渴引飲脇腹滿脹羸瘦多汗鼈甲丸方

鼈甲醋炙去  
裙襖

黃耆剉

芫胡去苗各  
壹兩

枳殼去瓤  
麩炒

白朮

人參各半  
兩

木香壹  
分

右七味搗羅爲細末水浸炊餅心和丸如麻子大二  
歲兒十九溫粥米飲下日二更量兒大小加減服

### 小兒風熱

論曰小兒體性純陽熱氣自盛或因觸犯風邪與熱氣  
相搏外客皮毛內壅心肺其狀惡風壯熱胸膈煩悶目  
澁多渴是也

治小兒風熱心膈煩悶身體壯熱饒睡多渴羚羊角湯  
方

羚羊角銹

麥門冬去心  
焙

甘草炙剉各  
參分

白茯苓去黑  
皮

白鮮皮

升麻

人參

黃耆各半兩

右八味麤搗篩每服一錢匕水一小盞煎至五分去

滓入竹瀝半合更煎沸分爲二服溫呷量兒大小加

減

治小兒風熱多驚丹砂丸方

丹砂研水飛過

莊胡去苗

鐵粉研

麥門冬去心焙

白茯苓去黑皮各半兩

天竺黃研

人參

黃耆剉

黃芩去黑心

甘草炙剉各壹分

牛黃研

麝香研各壹錢

右一十二味搗研爲末鍊蜜和丸如菉豆大每服五

丸煎竹葉湯化下量兒大小加減

治小兒風熱心神驚悸夜臥不安真珠丸方

真珠末

羌活去蘆頭

防風去

鈞藤

龍膽

天竺黃別研

升麻

牛黃研各壹分

茯神去木

人參

羚羊角鎊

犀角鎊各壹兩

鉛霜研

龍腦研

麝香研各壹錢

右一十五味搗研爲細末鍊蜜和丸如菉豆大每服

五丸荆芥薄荷湯研下日三常服化一切驚涎量兒

大小加減

治小兒風熱寸金湯方

鬱金

大黃各壹兩

皂莢貳兩水壹碗  
揉汁去滓浸

煎貳味煮片切暴乾

馬牙消

當歸切焙

山梔子各半兩人參

甘草炙

赤芍藥各壹分

雄黃少許好者

右一十味麤搗篩每服半錢匕至一錢匕水七分薄

荷三葉同煎至四分去滓放冷服之日一服

治小兒風熱驚疳潮熱釣藤湯方

前小釣藤壹兩

使君子去皮

乾蠍炒

人參

子芩

川大黃剉碎微炒

犀角屑已上各壹分 蚱蟬參枚微炙

甘草半兩炙微赤剉

川升麻兩半

石膏兩半

右十一味搗篩為礮末每服一錢匕以水一小盞煎至五分去滓入竹瀝半合牛黃末一字看兒大小分

減服之

治小兒風熱心胸煩悶牛黃散方

牛黃壹分細研

鬱金半兩取末

人參壹錢取末

右三味都細研令勻每服半錢匕荆芥湯調下日進三四服量兒大小以意加減

治小兒風熱驚悸大小便赤澀釣藤散方

天竺黃細研地骨皮已上各壹分

三川大黃參分剉茯神微炒犀角屑

龍膽去蘆川芒消去殼甘草炙

赤茯苓已上各半兩

右十味搗羅為末每服一錢匕水一盞煎至半盞去滓量兒虛實加減與服

治小兒風熱多驚人參湯方

人參去黑皮白茯苓去黑皮甘草炙

大黃剉芍藥 鈞藤

當歸焙各半兩

右七味麤搗篩每服一錢匕水八分入竹葉五片煎

至五分去滓溫服

治小兒一切熱連翹飲方

連翹 防風去 甘草炙

山梔子人兩各壹

右四味麤搗篩每用二錢匕水一盞煎至七分去滓

分溫二服

治小兒一切風熱白木生犀散方

白木 桔梗微炒 甘草炙

馬牙消研各半兩 麝香研壹錢 生犀角錢半

右六味搗羅四味為散與二味研者和勻每服半錢  
七蜜熟水調下薄荷熟水亦得量兒大小加減

治小兒風熱涼心煮散方

連翹

防風去

甘草炙

山梔子人

雞蘇

惡實炒各

右六味搗羅為散每服二錢匕水一盞煎三五沸量

兒大小加減

治小兒風熱驚風天竺黃散方

天竺黃

蟬蛻

白僵蠶炒

山梔子人

甘草炙

鬱金

右六味等分搗羅為散每服一錢匕熟水調下三歲

兒可半錢未晬兒一字

治小兒風熱涎盛發喘嗽化涎餅子方

鐵粉研

人參

白朮各壹

蓬砂

馬牙消

粉霜

牛黃

麝香各壹

丹砂貳錢

右九味搗研為細末鍊蜜和丸如皂子大拾作餅子  
別以丹砂為衣二歲兒服半餅子薄荷湯化下

治小兒挾風蘊熱真珠散方

太陰玄精石壹石膏參

龍腦半

右三味搗研極細每服半錢匕新汲水調下  
治小兒風熱天竺牙消散方

天竺黃 馬牙消兩各研半 丹砂 各壹分  
生龍腦 各半分 栝樓根 各壹分

右六味搗研為細散每服半錢匕新汲水調下

治小兒風壅痰實經絡邪熱頭疼麻黃湯方

麻黃 去根節煮 防風 去 芎藭

羌活 去蘆 葛根 剉 甘草 炙剉各壹兩

荆芥穗 貳兩

右七味麤搗篩每服一錢匕水一盞煎至五分去滓

溫服

治小兒風熱止煩渴除風疹治驚悸防風湯方

防風 去 黃耆 剉 甘草 炙

人參 連翹 各半兩 山梔子 人壹分

右六味麤搗篩每服一錢匕水八分煎至六分去滓

溫服

治小兒風熱越桃飲方

越桃 去皮壹兩 甘草 剉貳兩 藿香葉

石膏 飛過各半兩

右四味用蜜二匙塗在銚子內先炒甘草赤色次下

越桃藿香葉炒微黑為度擣羅為末入石膏研勻每服一錢匕新汲水調下

治小兒風熱人參桔梗散方

人參各貳兩 白茯苓去黑皮 桔梗微炒

甘草炙剉

右四味等分擣羅為散每服半錢匕熟水調下

治小兒風熱壅毒關膈滯塞涼心壓驚抱龍丸方

右以臘月黃牛膽一枚天南星好者炮去皮臍擣為

細末填滿膽中緊繫通風處陰乾去膽皮取藥每一

兩入金銀薄小者各十片丹砂一錢半龍腦麝香各

一字同研極細鍊蜜和丸如雞頭實大每服一九竹葉水化下歲數小者半丸

治小兒風熱潮作不思飲食肌體消瘦芫胡木香湯方

芫胡去苗拾兩 木香壹兩 半夏湯洗柒遍去滑

人參各貳兩 黃芩去黑心 甘草炙各參兩

右六味麤擣篩每服二錢匕水一盞入生薑二片大

棗一枚擘破煎至六分去滓溫服不拘時

治小兒風熱潮作肌體煩倦不思飲食安鎮心神茯神

丸方

茯神去木 麥門冬去心擘 犀角鎊



梔子人

白鮮皮

升麻

玄參

車前子

鐵粉

小丹砂

研各半兩

右一十味搗羅八味為末與鐵粉丹砂同研令勻鍊

蜜丸如菉豆大每服五丸溫熱水下不拘時更量兒

大小加減

治小兒風熱身體溫壯利膈化涎安神鎮心牛黃丸方

牛黃

研

龍腦

研

麝香

研各半錢

甘草

剉

雄黃

研

天竺黃

研

丹砂

研

人參

剉

遠志

去心

乾蟄

去土炒

山芋

白僵蠶

各壹錢

天南星

漿水煮壹日透軟切焙

天麻

各壹分

右一十四味搗研為末鍊蜜和丸如雞頭大每服一

丸分四服金銀薄荷湯化下不拘時候量兒大小加

減服

治小兒風熱及傷寒時氣瘡疹發熱等桔梗煮散方

桔梗

剉炒

細辛

去苗葉

人參

白朮

栝樓根

甘草

剉炙

白茯苓

去黑皮

芍藥

各等分

右八味搗羅為散每用二錢匕水一盞生薑一片薄

荷三葉同煎至六分三歲以下作四服五歲以上作  
二服凡小兒發熱不問傷寒風熱便與數服無不愈  
者

治小兒風熱胸膈煩悶目澁多渴鬱金散方

鬱金兩半 蟬蛻肆拾枚 龍膽

白附子炮各半兩 大黃炒 乾蠍炒

甘草炙各壹分

右七味搗羅為散每服一字至半錢匕量兒大小空  
心薄荷湯調下

小兒熱渴

論曰小兒血氣本自盛實府藏之間易為生熱熱氣熏  
蒸則津液乾枯故令兒渴而引飲

治小兒熱渴或虛熱吐下除熱止渴栝樓飲方

栝樓根參分 黃芩去黑心壹分 知母焙

小麥 粟米各半兩

右五味除粟米小麥外餘三味並搗羅為麤末每二  
錢匕水一小盞入小麥粟米各一撮同煎至六分去  
滓分作三服一日喫盡更量兒大小以意加減

治小兒夏天服藥大下後胃中虛熱渴唯飲水麥門冬

飲方

麥門冬焙去心 龍膽各壹兩

甘草炙

黃芩去黑心各參分 葛根剉壹兩半

右五味麤搗篩每服一錢匕用水七分煎至四分去滓溫服量兒大小以意臨時加減

治小兒壯熱兼嘔渴不止蘆根飲方

蘆根剉 麥門冬焙去心 人參各半兩

知母焙壹兩 粟米壹合

右五味麤搗篩每二錢匕水一盞入生薑少許擘破同煎至五分去滓分溫三服更量兒大小以意加減

治小兒多渴黃連飲方

黃連去須半兩 冬瓜瓢壹分

右二味細剉以水一盞半同煎至八分去滓分溫三服量兒大小臨時加減

治小兒熱渴不止蓮實湯方

蓮實參拾枚炒黃推碎 浮萍壹分

右二味同用水一盞生薑少許煎五分去滓分溫三服量兒大小臨時加減

治小兒上焦虛熱飲水不止枇杷葉湯方

枇杷葉去毛炙 葛根剉 胡黃連壹分

甘草炙 玄參 麥門冬去心焙等分

右六味麤搗篩每一錢匕水一盞入生薑一片煎至六分後入蜜少許再煎至五分去滓放溫分二服食

後

治小兒上焦風熱熱渴引飲不止天麻人參煎方

天麻 人參 白茯苓去黑皮 各壹分

天竺黃研壹錢 甘草生用 壹錢 鉛白霜研壹錢

龍腦研半錢 丹砂研壹錢

右八味先將四味為細末再入研了四味和勻鍊蜜煎為膏每服一大豆許用金銀薄荷湯化下

治小兒熱氣熏蒸府藏煩躁津液乾枯渴欲引飲方

右取桑枝一握細剉以水一盞半煎至八分去滓分作三服如熱水與飲

治小兒熱渴不止方

黃連去須 炒 蘆根各壹分

右二味細剉以水一盞半煎取五分去滓旋與飲


大德重校聖濟總錄卷第一百六十八

赤三刺... 以水一...

黃... 散...

帶心泉...

將三...



Small handwritten marks at the bottom of the page.

